



## Universitätsbibliothek Paderborn

**Francisci Baconi Baronis de Verulamio, Vice-Comitis S.  
Albani, Summi Angliæ Cancellarii, Opera omnia, Quæ  
extant: Philosophica, Moralia, Politica, Historica ...**

**Bacon, Francis**

**Francofurti ad Moenvm, 1665**

IV. Narcissus, sive Philautia.

**urn:nbn:de:bvb:12-bsb10497643-5**

## II.

## TYPHON, SIVE RE-

BELLIS.

**N**arrant Poëta *Iunonem* indignatam, quod *Jupiter Palladem* & sese, sine ea peperisset, omnes Deos, atque Deas precibus fatigasse, ut ipsa etiam sine *love* partum ederet. Et postquam violentia, & importunitati ejus annuiscent, terram illa concussit, & quo motu *Typhon* natus est, Monstrum ingens, ex horrendum. Ille serpenti veluti Nutrictio datus est, ut ab eo aleretur. Nec mora, postquam adolevisset, quin bellum *lovi* moveret. In eo conflictu *Jupiter* in protestatem Gygantis venit, qui illum in humores sublatum in regionem remotam, & obscuram transportavit, & concisis nervis & manuum & pedum, & secum abreptis, mancum, & mutilatum reliquit. *Mercurius* autem nervos *lovi* *Typhoni* suffusatus est, caque eos *lovi* restituit. *Jupiter* confirmatus, Bellum rursus impetravit; ac primum fulmine vulneravit, ex cuius sanguine serpentis nati sunt. Tum denum ruentem, & fugientem (*Etnam* super eum jaculatus) mole montis opprescit. Fabula de fortuna Regum variâ & Rebellionibus, quæ in Monarchis quandoque evenire confuerunt, conficta est. Reges enim regnis suis, ut *Jupiter Iunoni*, veluti Matrimonii vinculo juncti recte censemur; sed accedit nonnunquam, ut imperandi confuctudine depravati, & in Tyrannidem vergentes, omnia ad te trahant, & contempto Ordinum, & Senatus sui consensu, ex se se pariant: id est, ex arbitrio proprio, & imperio mero cuncta administrant. Id populi ægre ferentes, & ipsi moluntur Caput aliquod rerum ex se se creare, & extollere. Eares ex occulta sollicitatione nobilium, & procerum fere initia sumit, quibus coniuentibus, tum populi suscitatio tentatur; ex qua Tumor quidam rerum (per *Typhonis* infantiam significatus) sequitur. Atque iste rerum status ab insita Plebis pravitate & natura maligna (Serpente Regibus infectissimo) nutritur. Defectione autem viribus coalita, postremo res in apertam rebellionem erumpit; qua quia infinita mala & Regibus & populis infligit, sub dira illa *Typhonis* effigie repræsentatur, in qua centum capita ob divisas potestates, Oraflammantia ob incendia, Anguum cingula ob pestilentias, (præsertim in obſcionebus) Manus ferrea ob cædes, unguis Aquilini ob rapinas, Corpus plumis contectum ob perpetuos Rumores, & nuncios & trepidationes, & hujusmodi. Atque interdum Rebelliones istæ, tam præ validæ sunt, ut Reges cogantur, tanquam à Rebellionibus transportati, relictis Regni sedibus & urbibus primariis, vires contrahere, & in remotam aliquam, & obscuram Provinciam ditionis sua se recipere, Nervis & Pecuniarum, & Majestatis accidis: Sed tamen non ita multò post Fortunam prudenter tolerantes, virtute & industria *Mercurii* Nervos recipiunt, hoc est, affabiles facti, & per edicta prudentia & sermones benignos, reconciliatis subditorum animis & voluntatibus, tandem alacritatem ad impensis conferendas, & novum Auctoritatis vigorem excitant. Nihilominus prudentes, & cauti aleam

fortunæ tentare plerumque nolunt, & à pugna abstinent, sed tamen operam dant, ut aliquo facinore memorabili existimationem Rebellium frangant. Quod si ex voto succedar, illi vulneris accepti concii, & rerum suarum tropidi, primò ad fractas & inanes minas veluti Serpentum sibilos se vertunt. Dein de rebus desperatis fugam capessunt. Atque tum denum postquam ruere incipiunt, tutum est, & tempestivum Regibus, copiis & universa mole regni tanquam *Aetna* Monte, vos persequi, & Opprimere.

## III.

CYCLOPES, SIVE MINISTRI  
TERRORIS.

**N**arrant *Cyclopes*, ob feritatem & immanitatem primo à *love* in *Tartarum* detrusos, & perpetuo carceri adjudicatos fuisse: verū postea *Tellus* *lovi* persuasit, ei non abs re fore, si eos vinclis liberaret, ad eorum operâ & fulmina fabricanda uteretur. Quod ad factum est, atque illi officiosi, & industrii fulmina atque alia terroris Instrumenta assiduo opere & inimici strepitu fecerunt.

Tempore autem labente evenit, ut *Jupiter* *Esculapius Apollinis* filio succenseret, ob hominem medicinâ à morte excitatum; Iram autem tegens, (quia parum justa indignandi causa suberat ob facinus pius, & celebre) *Cyclopes* in eum secretò instigavit, qui nihil cunctat fulmine eum interemere: In cuius rei vindictam *Apollo* *lovi* non prohibenter, sagittis eos consecit.

Fabula ad Regum facta pertinere videtur. Illi enim Ministros favos, & fanguinarios, & exactores primo supplicis afficiunt, & à rebus summovent. Postea ex consilio *Telluris*, id est, ignobili & parum honorifice, pre valente utilitate eos rursus adhibent; sicubi aut executionum severitate, aut exactionum acerbitate opus est. Illi natura truces, & ex priore fortuna exasperati, & satis sentientes, quid ab illis expectetur, miram diligentiam in hujusmodi rebus praestans; sed parum cauti, & ad gratiam incundam & auctorandam præcipites, aliquando ex secretis Principum nutibus & incertis mandatis invidiosam aliquam executionem peragunt. Principes autem invidiam declinantes, & satis gnari hujusmodi instrumenta, nunquam sibi defutura, eos desficiunt; & propinquis & amicis eorum, qui penas subierunt, atque horum declinationibus & vindictæ & odio populari eos relinquunt, unde magno plausu, & prosperis in reges votis & acclamationibus, sero magis quam immrito pereunt.

## IV.

NARCISSUS, SIVE PHI-  
LAUTIA.

**N**arcissus fuisse traditur formâ, & venustate mirabilis, sed suberat superbia ingens, & fastidium intolerandum. Itaque cum fibi placaret, alios despiceret, vitam egit solitariam in sylvis, & vocationibus, cum paucis comitibus, quibus ipse omnia erat. Assecatabatur etiam eum ubique Nympha Echo. In hoc vita instituto fatale ei erat ad fontem quendam lypidum venire, & juxta eum sub æstum media diei

dici decumbere. Cum autem in aqua Imaginem propriam aspexisset, in contemplationem sui ac deinde in admirationem effusus, & raptus, nullo modo ab hujusmodi spectro, & simulacro distrahi poterat; sed perpetuo defixus, obtorpuis; ac tandem in florem nominis sui conversus est; qui flos in eunte Vere se ostendit, & Diis inferis, Plutoni, Proserpinae & Eumenidibus sacer est. Fabula illorum & ingenia & fortunas representare videtur, qui live ob formam, live ob alias alias dotes, quibus ab ipsa natura, nulla accedente industriâ propriâ, ornati & insigniti sunt, effusæ seipso amant, & quasi depereunt. Cum hoc enim animi statu coniunctum fere est; ut non multum in publico, aut in rebus civilibus versentur; cum in eo vita genere necesse sit occurrere multis neglectus & vilipendia, quæ animos eorum dejicere & turbare possint. Itaque vitam plerumque degunt solitariam, & privatam, & umbratim, cum per paucum comitum delectu, eoque ex iis, qui illos magnopere colere, & admirari videntur, quicquid illis veluti Echo in omnibus diis suis assentantur, & verborum obsequia praestant. Ex hac consuetudine depravatos, & inflatos, & tandem admiratione suipius attinatos, mira occupat desidia & inertia, ut prorsus torpeant, & omni vigore, & alacritate destituantur. Eleganter autem sumitur flos vernus ad hujusmodi ingeniorum similitudinem, cum illa ingenia sub initia sua florant, & celebrantur, sed arte confirmata expectationem de iis conceptam destituant, & frustrantur. Eodem pertinet, quod flos ille Diis inferis sacer sit; quia homines talis indolis ad omnia inutilles proflui evadunt. Quicquid autem nullum ex se fructum edit, sed (veluti via navis in mari) transfit, & labitur, id apud antiquos umbris, & Diis inferis consecrari solebat.

## V.

## STYX, SIVE FOEDERA.

**P**ervulgata est narratio, & in compluribus fabulis, interponitur, de unico illo juramento, quo Dii superi se obstringere solebant, cum potentiæ locum sibi nullo modo relinqui volebant. Illud juramentum nullam Majestatem coelestem, nullum Attributum divinum advocabat, & testabatur; sed *Stygem*, Fluvium quandam apud inferos, qui atria Ditis, multis spiritis interfusus cingebat. Hæc enim formula sacramenti sola, neque præter eam alia quæpiam, firma habita est, & inviolabilis; scilicet incumbebat pena perjurii, Diis imprimis metuenda, ut qui refellisset, ad Deorum convivia por certa annorum spatia non accederet. Fabula de Fœderibus, & pæctis Principum conficta videtur; in quibus illud nimio plus quam oporteret, verum est; Fœdera quacunq; solennitate, & religione Juramenti munita, parum firma esse, adeo ut ferè ad existimationem quandam & famam, & ceremoniam, magis quam ad fidem, & securitatem, & effectum adhibeantur. Quin si accesserint etiam affinitatis vincla veluti sacramenta naturæ, si merita mutua, tamen omnia infra ambitionem, & utilitatem, & Dominationis licentiam esse, apud plerosque reperiuntur. Tanto magis, quod Principibus facile sit per prætextus variis, & speciosos, cupidita-

tes suas, & fidem minus sinceram (nemine rerum arbitrio, cui ratio sit reddenda) tueri, & velare. Itaque unum assumitur verum, & proprium fidei firmamentum, neq; illud Divinitas aliqua Cœlestis. Ea est Necessitas, (Magnum potentibus Numen;) & Periculum Status, & Communicatio utilitatis. Necessitas autem per *Stygem* eleganter representatur, Flumen fatale, & irremedabile. Atq; hoc numen advocavit ad Fœdera *Iphericales Atheniensis*, qui quoniam inventus est, qui ea aperte loqueretur, qua plerique tacite animo volvunt, non abs se sit, ipsius verba referre. Is cum Lacedæmonios, varias Cautiones & Sanctiones, & Fœderum firmamenta, & vincula excogitare & propoundere animadverteret, interfatus, *Vnum* (inquit) *Lacedemonii*, nobis vobis cum vinculum, & securitatis ratio esse posse, si planè demonstratis, vos eanobis concessisse, & inter manus posuisse, ut vobis facultas ledendi nos, si maximè velletis, minime suppeterem posset. Itaque si facultas ledendi sublata sit, aut si ex foedere rupto periculum ingruat perditionis, aut diminutionis statutus, aut vectigalium, tum demum fœdera rata & sancta tanquam Juramento *Stygis* confirmata censi possint: Cum metus subsit interdicti illius & Suspensionis à Conviviis Deorum, sub quo nomine Imperii jura, & prerogativa, & affluentia & felicitas antiquis significantur.

## VI.

## PAN, SIVE NATURA.

**A**ntiqui universam Naturam sub persona *Panis* diligentissimè descripsérunt; *Huius* generationem in dubio relinquunt. Alii enim asserunt eum à *Mercurio* genitum; alii longè aliam generationis formam ei tribuunt; Ajunt enim Procos universos cum *Penelope* rem habuisse, ex quo promiscuo concubitu, *Pana* Communem filium ortum esse. Atque in hac posteriore narratione, procul dubio, aliqui ex recentioribus, veteri fabula, nonen *Penelopes* imposuere, quod & frequenter faciunt, cum narrationes antiquiores, ad personas & nomina juniora traducunt, idque quandoq; absurdè & insulsè; ut hic cernere est; Cum *Pan* ex antiquissimis Diis, & longè ante tempora *Ulyssis* fuerit, atque insuper *Penelope* ob matronalem castitatem Antiquitati vnerabilis habetur. Neque prætermittenda est tertia illa generationis explicatio: quidam enim prodiderunt, cum *Jovis*, & *Hybræos*, id est, *Contumelia* filium fuisse. Ut cunque orto, *Parce* illi sororis fuisse perhibentur. Effigies autem *Panis* talis ab antiquitate describitur: *Cornutus*, cornibus usque ad Cœlum fastigiatis, corpore toto hispidus, & villosus, barba imprimis promissa Figuræ biforis, humanæ quoad superiora, sed semisfera, & in Capre pedes desinens. Gestabat autem insignia Potestatis, sinistrâ, fistulam, ex septem calamis compactam; dextrâ Pedum, sive lignum, superius curvum, & inflexum; Induebatur autem *Chlamide* ex pelle *Pardalis*. Potestates ei & munera hujusmodi attribuuntur, ut sit Deus Venatorum, etiam Pastorum, & in universum Ruricolarum; Praeses item Montium: erat etiam proximus *Mercurio* Nuncius Deorum. Habebatur insuper Dux, & Imperator Nympharum, quæ circa eum perpetuò Chores ducere, & tripudiare solebant: comitabantur & *Satyi*, & his Seniores Sileni. Habebat etiam